

ДАДЛАГА СЕМИНАР • ОРОЛЦОГЧИЙН ГАРЫН АВЛАГА

3 цагт өөрийн вэбтэй бол

Өөрийн вэбсайттай болох алхам алхмаар дадлага

Enkhjin • surlaa.today

2026.08.13 (Пүрэв), 10:00 • Bean Tree Coffee Shop

Тавтай морил

Өнөөдөр та код нэг мөр бичихгүйгээр, өөрийн бодит бизнесийн вэбсайттай болно. Энэ гарын авлага өдрийн турш танилцах, бөглөх, дагаж хийх зүйлсийг бүгдийг агуулж байгаа тул хажуудаа байлгаарай.

Өдрийн хөтөлбөр

№	Хэсэг	Хугацаа
1	Танилцуулга	30 мин
2	Контент бэлтгэх, зураглал, судалгаа	60 мин
3	Вэбсайт үүсгэх	90 мин
4	Нийтлэх	45–60 мин
5	Дараагийн алхам	15 мин

Вэбсайт гэж юу вэ — энгийн зураглал

Код бичихээсээ өмнө вэбсайт дотроо юу байдгийг товч ойлгож авъя.

Хэрэглэгч Хөтчөөрөө орж ирдэг хүн	→ Домайн таны-дэлгүүр.mn — гудамжны хаяг мэт	→ Сервер Файл, систем байрлах “байшин”
---	--	--

Хэрэглэгч домайн хаягаа бичихэд хөтөч серверт хүрч, вэбсайтыг татаж авчирдаг.

Серверийн дотор юу байдаг вэ

Frontend <i>харагддаг тал</i> Хэрэглэгчийн нүдэнд харагдах дизайн, зураг, товч, текст	Backend <i>далд ажилладаг тал</i> Захиалга боловсруулах, тооцоолол хийх, логик ажиллагаа	Storage <i>санах ой / агуулах</i> Зураг, бүтээгдэхүүний мэдээлэл хадгалагддаг газар
--	---	--

Статик ба Динамик вэбсайт

Вэбсайт хийхдээ хамгийн эхэнд шийдэх ёстой зүйлийн нэг бол статик уу, динамик уу гэдэг.

Статик вэбсайт <i>тогтмол зурагт хуудас мэт</i> Бүх хэрэглэгчид ижил агуулга харагдана. Файлаа шууд хадгалж, өөрчлөхөд дахин hosting-д оруулна. Хурдан, хямд, энгийн.	Динамик вэбсайт <i>цахим самбар мэт</i> Хэрэглэгч, цаг үеэс шалтгаалж агуулга өөрчлөгддөг. Backend, database холбогдсон байдаг. Захиалга, нэвтрэлт зэрэгт хэрэгтэй.
--	--

Аль нь надад тохирох вэ

- Зөвхөн бизнесээ таниулах, холбоо барих мэдээлэл харуулах бол — статик хангалттай
- Захиалга авах, хэрэглэгч нэвтрэх, мэдээлэл байнга шинэчлэгдэх бол — динамик хэрэгтэй
- Сургалтын өдөр бид эхлээд статик хувилбараар эхэлж, шаардлагатай бол backend нэмнэ

Захиалга өгөхөд юу болдог вэ

Хэрэглэгч таны сайтаас захиалга өгөхөд, цаана нь мэдээлэл хэрхэн урсдагийг жишээгээр харцгаая.

- 1. **Хэрэглэгч** сайт дээрх захиалгын маягтыг бөглөж, “Захиалах” товч дарна.
- 2. **Frontend** (харагддаг тал) мэдээллийг цуглуулж, интернэтээр backend руу илгээнэ.
- 3. **Backend** мэдээллийг задалж, гурван газар руу тараана:

Firebase <i>өгөгдлийн сан</i> Захиалгын мэдээлэл (нэр, утас, юу авсан) хадгалагдана	GitHub <i>файл хадгалуур</i> Зураг, бүтээгдэхүүний файл байвал энд хадгалагдана	Resend <i>имэйл үйлчилгээ</i> Хэрэглэгч болон танд баталгаажуулах имэйл илгээгдэнэ
--	--	---

- 4. **Та (админ)** админ панелаараа Firebase-с шинэ захиалгаа шууд харна, боловсруулна.
- Энэ бол зөвхөн нэг жишээ — бодит төслүүд дээр (жишээ нь ZuvkhunTuund, Meowie) яг ийм л урсгалаар мэдээлэл ажилладаг.

Ажлын хуудас — Миний бизнес

Доорх мэдээллийг бөглөнө үү. Энэ бол таны вэбсайтын гол агуулга болно.

Үндсэн мэдээлэл

Бизнесийн нэр

Товч тайлбар (2–3 өгүүлбэр)

Холбоо барих

Утасны дугаар

Instagram / Facebook

Байршил (заавал биш)

Имэйл (заавал биш)

Бүтээгдэхүүн / үйлчилгээ

3–5 гол бүтээгдэхүүн эсвэл үйлчилгээгээ жагсаана уу.

- 1.
- 2.
- 3.
- 4.
- 5.

Загварын сонголт

Гол өнгө (жишээ: хүрэн, ягаан, ногоон)

Хэв маяг (жишээ: энгийн, гоёмсог, тод)

Хэрэглэгчийн зам мөр

Таны үйлчлүүлэгч сайт руу орж ирснээс эхлээд захиалга хийх хүртэл ямар алхмуудыг дамждагийг зурж харцгаая. Энэ нь дараа зураглал зурахад тусална.


Алхам	Хэрэглэгч юу хийж байна	Таны сайт юу үзүүлэх ёстой
1. Олж мэдэх	Instagram, найзын зөвлөгөө, хайлт	
2. Ирж үзэх	Сайт руу орж эхлээд харах	Hero, гол мессеж
3. Судлах	Бүтээгдэхүүн/үйлчилгээг харьцуулах	Тодорхой тайлбар, зураг
4. Итгэх	Энэ бизнест итгэж болох эсэхийг шүүх	Холбоо барих мэдээлэл
5. Үйлдэл хийх	Захиалах, DM бичих, дуудлага хийх	Тод СТА товч

Зурж үзье

Дээрх алхмуудыг сум ашиглан үрсгал байдлаар зурна уу — хэрэглэгч хаанаас эхэлж, хаана зогсож, эцэст нь юу хийдгийг.

Зураглал гаргах

Хэрэглэгчийн зам мөрөө тодорхойлсны дараа, AI-д prompt бичихээсээ өмнө вэбсайтаа гараараа зурж үзье. Хаана юу байрлахыг өөрөө шийдэж байж, AI-д илүү тодорхой хэлж чадна.



Зураглалдаа юу оруулах вэ

- ☐ Дээд хэсэг — нэр, лого байрлах газар
- ☐ Hero хэсэг — гол зураг, товч танилцуулга
- ☐ Бүтээгдэхүүн/үйлчилгээний хэсэг
- ☐ Тухай / танилцуулга хэсэг
- ☐ Холбоо барих хэсэг
- ☐ Доод хэсэг — сошиал холбоос, хаяг

Шаардлага тодорхойлох

Шаардлагаа зөв тодорхойлох нь дараа AI-д тодорхой prompt бичихийн үндэс болно.

Зөв тодорхойлох зарчим

- Хэрэглэгчийн нүдээр бод — тэд юу үзэхийг хүсэж байгааг эхлээд тодорхойл (хэрэглэгчийн зам мөрийн хуудсаа эргэж хар)
- “Заавал байх ёстой” ба “байвал сайн” зүйлийг ялга — эхний хувилбартаа зөвхөн заавал хэрэгтэйг оруул
- Хэт олон зүйл нэг дор бүү оруул — эхлээд энгийн хувилбар гаргаад, дараа нь нэмнэ
- Судалсан сайтуудаас юу авахыг хүсэж байгаагаа тодорхой болго

Заавал байх ёстой зүйлс

- ☐ Мобайл дэлгэц дээр сайхан харагдах ёстой
- ☐ Ачаалах хурд хурдан байх ёстой
- ☐ Утас/Instagram руу шууд холбогдох товч байх ёстой
- ☐ Зургийн галерей эсвэл бүтээгдэхүүний жагсаалт байх ёстой
- ☐ Газрын зураг / байршил харуулах
- ☐ Үнийн мэдээлэл харуулах
- ☐ Өөр: _____
- ☐ Өөр: _____

Төстэй сайтууд судлах

Өөрийн салбарт ажилладаг 2–3 вэбсайтыг үзэж, юу таалагдсан, юу таалагдаагүйгээ тэмдэглэнэ үү. Энэ нь AI-д илүү тодорхой prompt бичихэд тусална.

Сайтын нэр / URL	Таалагдсан зүйл	Авахгүй зүйл

Claude-тай ярилцах

Prompt бичихээсээ өмнө Claude-той ярилцаж, зураглал болон шаардлагаа хэлэлцээрэй. Энэ нь эцсийн prompt-оо илүү тодорхой болгоход тусална.

Асуух боломжтой асуултууд

- Миний төрлийн бизнест ямар хэсгүүд заавал байх ёстой вэ?
- Миний зураглал дээр юу дутуу байна вэ?
- Судалсан сайтуудын аль элемент нь надад тохирох вэ?
- Ямар өнгөний хослол миний брэндэд тохирох вэ?

Би [бизнесийн нэр] нэртэй бизнест зориулж вэбсайт хийхээр төлөвлөж байна.

Миний зураглал: [юу зурсанаа товч тайлбарла]

Судалсан төстэй сайтууд: [нэр/URL-ууд]

Надад тохирох хэсгүүд, өнгө, зохион байгуулалтын талаар санал өгөөч.

Claude-тай ярилцаж тодорхой болсны дараа дараагийн хуудсан дахь prompt-оо бичиж эхэлнэ.

Prompt бичихэд анхаарах зүйлс

AI-аас сайн үр дүн авахын тулд prompt-оо хэрхэн бичих нь чухал. Доорх зөвлөмжүүдийг дагана уу.

Зөвлөмж

- Тодорхой бич — “сайхан вэбсайт хий” гэхээсээ “ийм хэсгүүдтэй, ийм өнгөтэй хий” гэж тодорхой бич
- Жишээ өг — өөрт таалагдсан сайт эсвэл загварын жишээг дурьд
- Нэг дор бүх зүйлийг бүү нэм — эхлээд үндсэн хувилбарыг гаргуулаад, дараа нь нэмэлт хийлгэ
- Асуудлаа тодорхой тайлбарла — “болохгүй байна” гэхээсээ “мобайл дээр товч дарагдахгүй байна” гэж тодорхой бич
- Алхам алхмаар ажилла — эхлээд бүтэц, дараа нь өнгө, дараа нь агуулга гэх мэт дараалалтай хий
- Сэтгэл хангалуун болтол дахин асуу — эхний хариултаар зогсох албагүй, “дахин нэг санал өгөөч” гэж болно

Жишээ харьцуулалт

МУУ: “Надад вэбсайт хий.”

САЙН: “Meowie Giftshop нэртэй муур сэдэвт бэлгийн дэлгүүрт зориулж ганц хуудастай вэбсайт хий. Хэрэглэгч эхлээд бүтээгдэхүүнийг хармаар, дараа нь Instagram руу шууд холбогдмоор байна. Гол өнгө ягаан, хэв маяг хөөрхөн байг.”

Дараагийн хуудаснуудад байгаа бэлэн prompt загварууд эдгээр зарчмуудыг аль хэдийн агуулж байгаа тул шууд ашиглаж болно.

AI-аар контентоо сайжруулах

Дээрх ажлын хуудсандаа бичсэн зүйлээ AI-д (Claude, ChatGPT) өгч, илүү тод, товч болгож сайжруулна. Доорх prompt-ыг хуулж, өөрийн мэдээллээр бөглөнө үү.

Доорх бизнесийн мэдээллийг илүү тод, товч, дэлгүүрийн хуудсанд тохирсон болгож сайжруулж өгөөч.

Бизнесийн нэр: [бичих]

Одоогийн тайлбар: [бичих]

Бүтээгдэхүүн: [бичих]

Товч, 2-3 өгүүлбэрээр, найрсаг өнгө аястай бич.

AI-аар вэбсайт код үүсгэх

Энэ бол таны вэбсайтыг үүсгэх гол prompt. Ажлын хуудсандаа бөглөсөн мэдээллээ [] дотор орлуулж, Claude руу хуулж бичнэ үү.

Намайг зориулж энгийн, ганц хуудастай, мобайл дээр сайхан харагддаг вэбсайт хий. HTML, CSS, JS ашиглаж, нэг файлд бич.

TypeScript, React, Vue, Next.js гэх мэт framework бүү ашигла – зөвхөн энгийн .html файл хэлбэрээр бич, учир нь Netlify дээр шууд ажиллах ёстой.

Бизнесийн нэр: [бизнесийн нэр]
Тайлбар: [2-3 өгүүлбэр]
Бүтээгдэхүүн/үйлчилгээ: [жагсаалт]
Холбоо барих: [утас, Instagram]
Гол өнгө: [өнгө]
Хэв маяг: [энгийн / гоёмсог / тод]

Дараах хэсгүүдтэй бай: Нөгө (нэр + богино тайлбар), Бүтээгдэхүүн жагсаалт, Холбоо барих хэсэг. Мобайл дэлгэц дээр сайхан харагдахаар хий.

Зөвлөгөө: AI-аас гарсан код танд таалагдаагүй бол дахин “өнгийг өөрчил”, “мобайл дээр эвдэрсэн, засаж өг” гэх мэтээр шууд ярианы хэлбэрээр хэлж болно.

 **Анхаар:** Заримдаа AI танд .ts (TypeScript) файл өгч болно. Энэ нь Netlify дээр шууд ажиллахгүй. Хэрэв ийм тохиолдол гарвал AI-д “энэ кодыг энгийн .html файл болгож дахин бич, TypeScript бүү ашигла” гэж тодорхой хэлнэ.

Сайтаа нийтлэх — Netlify

AI-аас авсан код бэлэн болмогц, доорх алхмуудыг дагаж сайтаа амьдрал дээр гаргана.

1. netlify.com сайт руу орно. Бүртгэл шаардлагагүй.
2. “Deploys” хэсэгт HTML файлаа чирж хийнэ (drag & drop).
3. Хэдхэн секундын дараа өөрийн линк гарч ирнэ (жишээ нь: таны-нэр.netlify.app).
4. Линкээ хөтчөөр нээж, мобайл болон компьютер дээр шалгана.
5. Хүсвэл “Domain settings” хэсгээс өөрийн домайн холбож болно.

Амжилттай гэдгээ хэрхэн мэдэх вэ

- Линкийг утсандаа нээж, мобайл дэлгэц дээр зөв харагдаж байна
- Бүх зураг зөв гарч байна
- Утас/Instagram товч дарахад зөв газар руу орж байна
- Линкийг найздаа илгээж, тэд амжилттай нээж үзсэн

Гар утсаараа Netlify deploy хийх

Компьютергүй ч, зөвхөн утсаараа сайтаа нийтэлж болно. Алхмууд бараг компьютертэй адилхан.

1. Claude апп/chat дотроос HTML кодоо файл хэлбэрээр гаргуулна ("file" болгож татаж авах товч гардаг).
2. Файл автоматаар утасны "Файлууд" (Files) аппад хадгалагдана.
3. Safari эсвэл Chrome-оор app.netlify.com/drop хаяг руу орно.
4. "Browse to upload" товч дараад, Файлууд аппаас HTML файлаа сонгоно.
5. Хэдхэн секундын дараа линк гарч ирнэ — компьютертэй адилхан.

Хэрэв сайт олон файлтай бол (жишээ нь зурагтай хавтас) эдгээрийг zip болгож нэг файл болгоод upload хийвэл амархан.

Ирээдүйд шинэчлэх

Сургалт дууссаны дараа ч, шинэ санаа орж ирвэл сайтаа хялбархан шинэчилж болно — компьютер, тусгай хэрэгсэл хэрэггүй, зөвхөн утас л хангалттай.

Шинэчлэх урсгал

1. Claude апп руу орж, “энэ кодыг иймэрхүү болго өөрчил” гэж шууд ярианы хэлбэрээр хэлнэ.
2. Claude шинэчилсэн HTML файлыг гаргаж өгнө.
3. Netlify дээрх өөрийн сайт руу орж, “Deploys” хэсэгт шинэ файлаа дахин чирж/browse хийнэ.
4. Хуучин линк өөрчлөгдөхгүй, зөвхөн агуулга шинэчлэгдэнэ — секундын дотор шинэ хувилбар амьдрал дээр гарна.

 **Санаа:** Шинэ бүтээгдэхүүн нэмэх, үнэ өөрчлөх, зураг солих зэрэг жижиг шинэчлэлтийг ажил дундаа, утаснаасаа шууд хийж болно — компьютерийн ард суух шаардлагагүй.

Түгээмэл асуудал шийдвэрлэх

Асуудал	Шийдэл
Зураг гарахгүй байна	Зургийн файлын нэрийг код дотор бичсэн нэртэй тааруулж, AI-д “зураг гарахгүй байна” гэж хэлнэ
Өнгө буруу гарсан	AI-д “гол өнгийг [өнгө] болго” гэж дахин хэлнэ
Мобайл дээр эвдэрсэн харагдана	AI-д “мобайл дэлгэц дээр эвдэрсэн, засаж өг” гэж хэлнэ
Текст дутуу/буруу	Ажлын хуудсан дахь мэдээллээ шалгаад, AI-д дахин илгээнэ
.ts (TypeScript) файл өгсөн	AI-д “энгийн .html файл болгож дахин бич, TypeScript/framework бүү ашигла” гэж тодорхой хэлнэ

Дараагийн алхам

Өнөөдрийн дараа өөрөө нэмж болох зүйлс:

- Өөрийн домайн худалдаж аваад холбох
- Илүү олон бүтээгдэхүүний зураг нэмэх
- Instagram DM-тэй холбогдсон товч нэмэх
- Захиалгын систем эсвэл төлбөрийн холбоос (QPay) нэмэх

Тусламж авах

Сургалтын дараа 1 сарын дотор доорх сувгаар чатаар шууд асууж болно.

Вэбсайт: surlaa.today

Instagram: [@surlaa.today](https://www.instagram.com/surlaa.today)

Утас: 90081808

Нэр томъёоны лавлах

Сургалтын үеэр сонссон үг хэллэгүүдийн энгийн тайлбар. Дараа эргэж харахад хэрэг болно.

AI хэрэгсэл

Нэр томъёо	Энгийн тайлбар
AI (Хиймэл оюун ухаан)	Хүний адил бодож, бичиж, дүн шинжилгээ хийж чаддаг компьютерийн систем
Claude	Anthropic компанийн хийсэн AI туслах. Танд текст бичих, код үүсгэхэд chat хэлбэрээр тусалдаг
Prompt	AI-д өгдөг зааврын бичвэр, хүсэлт

Вэбсайтын үндэс

Нэр томъёо	Энгийн тайлбар
HTML / CSS / JS	Вэбсайт угсрах гурван материал: бүтэц, харагдах байдал (өнгө, фонт), хөдөлгөөн/интерактив ажиллагаа
Frontend	Хэрэглэгчийн нүдэнд харагдах тал — дизайн, зураг, товч
Backend	Далд ажилладаг тал — захиалга боловсруулах, тооцоолол хийх
Domain (Домайн)	tаны-дэлгүүр.mn шиг вэбсайтын хаяг нэр
URL / Линк	Вэб хуудас руу орох цахим хаяг

Байршуулах, хадгалах үйлчилгээ

Нэр томьёо	Энгийн тайлбар
Сервер (Server)	Файл, өгөгдлийг хадгалж, хэрэглэгчид үзүүлдэг компьютер
Hosting (Байршуулалт)	Вэбсайтаа интернэтэд байнга ажиллуулж байх үйлчилгээ
Netlify	HTML файлаа drag & drop хийхэд шууд интернэтэд гаргадаг үнэгүй hosting үйлчилгээ
Deploy (Нийтлэх)	Вэбсайтаа интернэтэд гаргаж, бүх хүнд харагдахаар болгох үйлдэл
GitHub	Кодоо хадгалж, өөрчлөлтийн түүхийг хянадаг онлайн платформ
Repository (Repo)	GitHub дээр нэг төслийн код бүгд хадгалагддаг “хавтас”
Firebase	Google-ийн үйлчилгээ. Хэрэглэгчийн мэдээлэл, зураг, өгөгдлийг хадгалж, нэвтрэлтийг удирддаг backend үйлчилгээ
Storage (Санах ой)	Зураг, файл, бүтээгдэхүүний мэдээлэл хадгалагддаг газар
Database (Өгөгдлийн сан)	Мэдээллийг цэгцтэй хадгалдаг систем, жишээ нь захиалгын жагсаалт

Тохиргоо, нууц мэдээлэл

Нэр томьёо	Энгийн тайлбар
API	Хоёр систем хоорондоо мэдээлэл солилцох “холбоос хэл”. Жишээ нь, таны сайт вэб дэх төлбөрийн системтэй API-аар холбогддог
Token (Токен)	Системд нэвтрэх эрхийг баталгаажуулдаг нууц түлхүүр код мэт тэмдэгт мөр. Гуравдагч этгээдэд өгч болохгүй
Environment variables (Орчны хувьсагч)	Нууц түлхүүр, дугаар зэрэг тохиргооны утгыг код дотор бус тусад нь хадгалдаг арга. Ингэснээр нууц мэдээлэл GitHub дээр нээлттэй харагдахгүй

Тэмдэглэл
